

## ITRACONAZOLE



### A. APAKAH KEGUNAAN UBAT INI?

- ✚ Ubat ini untuk merawat jangkitan kulat.

### B. BAGAIMANA UBAT INI BERTINDAK?

- ✚ Ubat ini bertindak dengan membunuh kulat yang menyebabkan jangkitan

### C. BAGAIMANA UBAT INI DIGUNAKAN?



#### A. CARA MAKAN

- ✚ Makan ubat ini seperti diarahkan oleh doktor.
- ✚ Ubat ini terdapat dalam beberapa jenis sediaan. Bagi sediaan kapsul/tablet boleh dimakan selepas makan. Manakala, sediaan cecair diambil sebelum makan.
- ✚ Ubat ini perlu diambil secara berterusan dan pada waktu yang sama.

#### B. JIKA TERLUPA

- ✚ Makan dos yang terlupa sebaik sahaja teringat TETAPI abaikan dos tersebut jika telah hampir masa untuk dos seterusnya.
- ✚ Jangan gandakan dos ubat untuk menggantikan dos yang terlupa.

#### C. BAGAIMANAKAH ANDA PERLU MENYIMPAN UBAT INI?

- ✚ Simpan ubat dalam bekas asal pada suhu bilik (23°C - 27°C), jauh dari haba, kelembapan dan cahaya matahari.
- ✚ Jauhkan daripada kanak-kanak.

## D. PERINGATAN !!!



### ➤ SEBELUM MENGAMBIL UBAT INI

Maklumkan kepada doktor jika anda;

- ✚ Mempunyai masalah kesihatan lain terutamanya jangkitan Human Immunodeficiency Virus (HIV), penyakit yang mengganggu sistem imun (pertahanan badan), masalah buah pinggang dan hati, penyakit paru-paru dan pernafasan (seperti COPD) dan masalah jantung.
- ✚ Mengambil sebarang ubat, vitamin, produk herba atau makanan kesihatan tambahan, kerana ia mungkin bertindakbalas dengan ubat ini.
- ✚ Sekiranya anda hamil, merancang untuk hamil dan memberi susu badan

### ➤ SEMASA MENGAMBIL UBAT INI

Maklumkan kepada doktor jika anda;

- ✚ Mengalami kesan sampingan yang berlarutan (contoh: pitam)
- ✚ Didapati hamil dan memberi susu badan
- ✚ Mengalami alahan/alergi kepada ubat ini



# AMARAN !!

SEKIRANYA  
TANDA-  
TANDA INI  
BERLARUTAN  
SILA  
RUJUK  
DOKTOR

## E. KESAN SAMPING UBAT

✚ Pesakit mungkin akan mengalami kesan-kesan berikut:

- Sakit perut atau tidak selesa
- Cirit-birit
- Loya
- Sakit kepala
- Pening
- Muntah

✚ Pesakit perlu melaporkan kepada doktor atau ahli farmasi sekiranya mengalami kesan seperti berikut:

- Sesak nafas
- Bengkak pada seluruh tubuh
- Ruam pada seluruh tubuh
- Kembung perut
- Najis berwarna pucat
- Sakit dada

Rujukan:

1. <http://www.drugs.com/itraconazole.html>
2. American Pharmacist Association. Drug Information Handbook (2013 – 2014). 22nd edition. Lexicomp.
3. [https://www.uptodate.com/contents/itraconazole-drug-information?search=itraconazole&source=search\\_result&selectedTitle=1~148&u\\_sage\\_type=default&display\\_rank=1#F185398](https://www.uptodate.com/contents/itraconazole-drug-information?search=itraconazole&source=search_result&selectedTitle=1~148&u_sage_type=default&display_rank=1#F185398)

---

Sebarang pertanyaan mengenai ubat-ubatan, sila hubungi Jabatan Farmasi, Hospital Universiti Sains Malaysia. 09-7673000 sambungan:

Unit Farmasi Klinikal dan Maklumat Drug : 3384/3386

Unit Farmasi Pesakit Luar : 3393/3394

---